

docstoc.com 文川网
入驻商家 文川网
在文川网搜索古籍书城 获取更快捷电子书

中國方志叢書·華中地方·第九〇號

據清·廖騰燿修·汪晉徵等纂
清康熙三十二年刊本

影印


安徽省

休寧縣志

(一)

5k12/11

成文出版社有限公司印行



中國方志叢書·華中地方·第九〇號

據

清·廖騰燿修·汪晉徵等纂
清康熙三十二年刊本

影印


安徽省

休寧縣志

(二)

成文出版社有限公司印行

111 81175



10098034

中國方志叢書·華中地方·第九〇號

據

清·廖騰燧修·汪晉徵等纂
清康熙三十二年刊本

影印

安徽省

休寧縣志

(三)

SK112/11

成文出版社有限公司印行



10098033

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年十二月壹一版

休寧縣志

全三冊

發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

序

昔成周分天下爲千八百
國衆建諸侯使各自爲治
三歲則朝見於王而請其
政之得失及秦廢爲郡縣
以郡統縣置吏使聽其政

令歲時則上計於京師而黜陟之自漢至今皆因其制雖侯國縣令封土有小大爵秩有崇卑而其典章制度未或異也夫國之典章大者莫過於史古列國

之史卽今郡邑之志也列
國史名多不見於書傳其
見於書傳者如晉之乘魯
之春秋楚之檮杌是已考
周官太史有五官太史掌
建邦之六典八法八則小

史掌邦國之志內史掌王
八柄之法外史令掌四方
之志御史掌邦國都鄙萬
民之治令漢武帝令天下
計書先上太史副上丞相
繇此觀之則志之所關於

政治匪小也然古之志與
今之志其義例條目或有
詳畧之不同要之志不可
廢若久曠不脩則方域一
切沿革損益常變之故不
能周知何以遙度區畫而

得其當

聖明在宥百廢具舉項者

命各省直各脩其地之志而上

之於朝誠有取於周漢五

史計書之遺意也觀郡邑

志於輿地建置食貨官師

選舉人物藝文通考之類
綱舉目張靡不備載
或不知其意類以爲迂濶
不切於政事不知紀山川
所以察其阨塞要害可以
備征討之遠畧紀星象所

以辨氛祲可以豫備其儲
畜紀食貨所以別田土之
肥瘠可以則壤而定賦紀
物產所以備廟朝祭祀軍
戎之供用而徵其貢獻紀
風俗所以辨習尚之澆淳

而施法令紀吏治所以考
政術之純駁與孚暨之淺
深而黜陟其廉貪紀師儒
所以審道教之興行紀選
舉所以別甲乙科明經國
學及貲郎騎郎之用舍紀

人物所以重彝倫尚節義
端士行其他如隱逸道術
及方技者流無關於治道
者亦必紀之噫可謂備矣
茲編規例悉準舊志而前
之漏者補訂之後之逸者

增入之辭之淺拙者改竄
之理之舛謬者正定之總
其成者則京兆涵齋汪公
力爲主持不少假借副之
者則督學瑞符黃公分其
任者則明經汪子紫滄邑

諸生金子蘭張子斌等同
心纂脩頗無遺缺古人常
言脩史有五難志猶史也
其難正等但欲激勵以立
教化則不因微賤而屏棄
欲甄別以正是非則不畏

docsriver 文川网
入驻商家 古籍书城

在文川网搜索古籍书城 获取更多电子书

豪強而疑阻舍仇怨之隙
絕請託之私論斷嚴而綜
核當則質之鬼神而無愧
庸何恤乎人言考休寧初
志肇自海寧至弘治歲程
篁墩太史脩之至嘉靖而

奉新宋公脩之又至萬曆
而關中李公脩之自李公
至康熙計八十餘年而余
不佞又幸遘盛舉得從諸
君子之後廁名論列其間
然承乏四載政化未行無

以爲志乘光誠竊自愧也
今余聊述作志之本旨與
脩志之始末其他已見於
志中者不復具論是爲序

嘗


康熙三十一年歲次癸酉季春

月

欽授內閣中書改選文林郎知

休寧縣事江南庚午科文

武兩闈同考官廖騰燧誤



休寧縣志序

我

國家一統志之盛也徵十五國
通志省下諸郡郡下諸各
邑合郡邑之志以上於省
大僚董其事集紳儒纂成

然後達於京師則今日
天下郡邑宜莫不有志矣
然而吾休寧自萬曆丁未
至今並未有刊行之新志
一有期會徵取仍以舊志
充塞間欲撫近今故實則

又抄掇爲補苴計以故天下皆有志而休寧獨無然休寧又非忽置而不修也自甲午張令一修癸卯傅令一修壬子鄢通府又一修蓋四十年來無日不修

志無日能成志徵事則游
移罔據人物則市并屠沽
或至厠冒其中無論不可
以示人幾幾不可以自問
此所以可成而不成旣成
而終於不成職是故也

邑侯廖公蓮山先生七閩
名賢薇省清秩借宰我邦
三年政成百廢具舉民慶
更生之樂蒿目邑乘缺廢
鯁鯁然憂之會郡大夫
朱公徵集六邑志書爲纂

存堂集二八
修郡志之舉公於是遴明
經家侄紫滄薦舉程君易
太學蔡君廷治廩膳金君
蘭張君斌處士施君璜及
公所得士宜興孝廉儲君
欣共請同事時予讀禮家

居公儼然明命辱臨屬筆
於予謂邑之典章文物缺
遺淪佚雖有土者之憂亦
鄉士大夫之責予身鄙寡
文逡巡避席曰邑志濫冒
已極今日欲成信書須盡

翻窠臼若只依樣葫蘆則
寧袖手旁觀不敢載筆從
事公學識絕倫聞謬論而
有水乳之合也於是辭之
弗獲乃上考程宗伯弘治
志之體要宋奉新嘉靖志

docsriver 文川网
入驻商家 古籍书城

在文川网搜索古籍书城 获取更多电子书

之簡嚴邵都諫萬曆志之
詳覈以及甲午癸卯壬子
志之殘編斷簡莫不折衷
損益刪削廓清凡歷四閱
月晝夜不輟乃得脫稿於
是向之冒濫其中者或以

利誘或以勢臨或以刃挾
百計以要其入而予不敢
入或忠臣義士邃學絕技
子孫零落湮沒無聞人情
所必遺者而予不敢遺惟
平心靜氣辭嚴義正質諸